





玉臺新詠目錄卷之九

古詞

東飛伯勞歌

越人歌

司馬相如

琴歌

烏孫公主

悲歌

蘇伯玉妻



目錄
盤中詩

漢時童謠三首

張衡

四愁詩

定情詩

秦嘉

贈婦

魏文帝

燕歌行二首

陳思王

妾薄命行

晉時童謠

張載

擬四愁詩

傅玄

歷九秋篇董桃行

車遥遥篇

燕人美兮歌

擬四愁詩

陸機

燕歌行

劉鑠

白紵曲

鮑照

代淮南王二首

行路難四首

北風行

湯惠休

楚明妃曲

白紵歌

秋風歌

歌思引

陸厥

李夫人及貴人歌

釋寶月

行路難

目錄
卷九
梁武帝

河中之水歌

江南弄

龍笛曲

採菱曲

游女曲

朝雲曲

白紵辭二首

昭明太子

江南曲

龍笛曲

採蓮曲

簡文帝

烏棲曲四首

從軍行

和蕭子顯春別

歷九秋篇十首

春情

擬古

倡樓怨節

東飛伯勞歌二首

元帝

春別應令四首

燕歌行

烏棲曲四首

別詩二首

沈約

登臺望秋月

會圃臨春風

歲暮愍衰草

霜來悲落桐

夕行聞夜鶴

晨征聽曉鴻

解珮去朝市

披褐守山東

白紵曲二首

趙瑟曲

秦箏曲

陽春曲

沈氏

晨風行

吳筠

行路難二首

張率

長相思二首

白紵歌五首

費昶

行路難二首

蕭子顯

春別四首

烏棲曲三首

燕歌行

王筠

行路難

目錄
卷九
劉孝綽

代人詠見故姬

劉孝威

東飛伯勞歌

徐君倩

別義陽郡二首

劉氏

贈夫

庾信

燕歌行

烏夜啼

怨詩

舞媚娘

徐陵

烏棲曲

雜曲

玉臺新詠目錄卷之九

終

目錄

卷一

一

玉臺新詠卷之九

陳東海

徐

陵孝穆甫編定

公安

袁宏道中郎甫批閱

明

錢塘

沈逢春六符甫叅訂

古詞

東飛伯勞歌

東飛伯勞西飛燕黃姑織女時相見誰家女兒對
門居開顏發艷照里閭南窓北牖桂月光羅帷綺
帳脂粉香女兒年幾十五六窈窕無雙顏如玉三

春已暮。花從風空留。可憐與誰同。悽惋。

越人歌

今日何日兮。塞舟中流。今夕何夕兮。得與王子同舟。蒙羞被好兮。不訾詬恥。心幾頑而不絕兮。得知王子。山有木兮。木有枝。心悅君兮。君不知。

琴歌

并序

司馬相如

相如游臨邛。富人卓王孫有女文君新寡。竊於壁間窺之。相如鼓琴歌以挑之。

其歌曰

鳳兮鳳兮歸故鄉。遨遊四海求其凰。時未遇兮無
所將。何悟今夕兮升斯堂。有艷淑女兮在閨房。室
邇人遐獨我傷。何緣交頸爲鴛鴦。胡頡頏兮共翱
翔。

鳳兮鳳兮從我棲。得託孳尾永爲妃。交情通意心
和諧。中夜相從從知者誰。雙翼俱起翻高飛。無感我
心使余悲。

悲歌

并序

烏孫公主

漢武帝元封中以江都王女細君爲公主嫁與烏孫昆彌至國而自治宮室歲時一再會言語不通公主悲愁自作歌

曰

吾家嫁我。今天一方。遠託異國。今烏孫王。穹廬爲室。今氈爲牆。以肉爲食。今酪爲漿。常思漢土。今心內傷。願爲黃鵠。今歸故鄉。

盤中詩

蘇伯玉妻

失其姓氏伯玉被使在蜀久而不歸其妻居長安思念之因作此詩

山樹高鳥悲鳴。泉水深鯉魚肥。空倉鵲常苦饑。吏人婦會夫稀。出門望見白衣。謂當是而更非。還入門中心悲。北上堂西入階。急機絞杼聲催。長嘆息。當語誰。君有行。妾念之。出有日。還無期。結巾帶。長相思。君忘妾。未知之。妾忘君。罪當治。妾有行。宜知。之。黃者金。白者玉。高者山。下者谷。姓者蘇。字伯玉。人才多。智謀足。家居長安。身在蜀。何惜馬蹄歸不。

數羊肉千斤酒不斛令君馬肥麥與粟今時人智
四足與其書不能讀當從中央周四角

童謠
二首并序

漢成帝趙后名飛燕寵冠後宮常從帝出
游時富平侯張放亦稱佞幸爲期門之游
故歌曰張公子時相見也飛燕嬌妬成帝
無子故云琢皇孫華而不實王莽自云代
漢德者土色尚黃故云黃雀飛燕竟以廢
死故爲人所憐也

燕燕尾涎涎張公子時相見木門倉琅根燕飛來
琢皇孫皇孫死燕琢夫

其二

桂樹華不實黃雀巢其顛昔爲人所愛今爲人所
憐

漢桓帝時童謠

小麥青青大麥枯誰當獲者婦與姑丈夫何在西
擊胡吏買馬君具車請爲諸君鼓隴胡城上烏尾
畢逋公爲吏兒爲徒一徒死百乘車車班班至河

三臺新詩 卷九
間河間姹女能數錢。以錢爲室。金爲堂。石上撫撫。
春黃梁。黃梁之下有懸鼓。我欲擊之。丞相怒。

四愁詩

張衡

我所思兮在太山。欲往從之梁甫艱。側身東望涕
沾翰。美人贈我金錯刀。何以報之英瓊瑤。路遠莫
致倚逍遙。何爲懷憂心煩勞。

其二

我所思兮在桂林。欲往從之湘水深。側身南望涕

沾襟。美人贈我金琅玕。何以報之雙玉盤。路遠莫
致倚惆悵。何爲懷憂心煩傷。

其三

我所思兮在漢陽。欲往從之龍坂長。側身西望涕
沾裳。美人贈我貂襜褕。何以報之明月珠。路遠莫
致倚踟躕。何爲懷憂心煩紆。

其四

我所思兮在雁門。欲往從之雪紛紛。側身北望涕
沾巾。美人贈我錦繡段。何以報之青玉案。路遠莫

王臺新詠 卷九
致倚增嘆何爲懷憂心煩惋。
俱清曠

定情歌

大火流兮草虫鳴繁霜降兮草木零秋爲期兮時
已征思美人兮愁屏營

贈婦

秦嘉

曖曖白日引曜西傾啾啾雞雀羣飛赴楹皎皎明
月煌煌列星嚴霜淒愴飛雪覆庭寂寂獨居寥寥
空室飄飄短帳熒熒華燭爾不是居帷帳何施爾

不是照華燭何爲

魏

燕歌行 二首

文帝

秋風蕭瑟天氣涼。草木搖落露爲霜。羣燕辭歸雁
南翔。念君客游多思腸。慊慊思歸戀故鄉。君何淹
留寄他方。賤妾皀皀守空房。憂來思君不敢忘。不
覺淚下沾衣裳。援琴鳴絃發清商。短歌微吟不能
長。明月皎皎照我床。星漢西流夜未央。牽牛織女

遙相望。爾獨何辜限河梁。
輕逸

其二

別日何易會。日難。山川悠遠路漫漫。鬱陶思君未
敢言。寄聲浮雲往不還。涕零雨面毀容顏。誰能懷
憂獨不嘆。展詩清歌聊自寬。樂往哀來摧肺肝。耿
耿伏枕不能眠。披衣出戶步東偏。仰看星月觀雲
間。飛鵲晨鳴聲可憐。留連顧懷不能存。

妾薄命行

陳思王

日月旣逝西。歲更會蘭室。洞房花燭步。帳輝煌。日
若日出扶桑。促樽合坐。行觴主人起。舞盜盤。能者
穴觸別端。騰觚飛爵。闌干同量。等色齊顏。任意
屬所歡。朱顏發外形。蘭袖隨禮容。極情妙舞。仙仙
體輕。裳解履遺。絕纓俛仰。笑喧無呈。覽持佳人玉
顏。齊接金爵。翠盤手形。羅袖良難。腕弱不勝。珠鬟
坐者嘆息。舒顏御巾。裏粉君傍。中有霍納都。梁雞
舌五味雜香。進者何人。齊姜恩重。愛深難忘。召延
親好。宴私。但歌杯來何遲。客賦旣醉。言歸。主人稱

露未晞。

晉

惠帝時童謠

鄴中女子莫千妖。前至三月抱胡腰。

擬四愁詩

張載

字孟陽武邑人有才華
累遷領著作弘農太守

我所思兮在南巢。欲往從之巫山高。登嵯遠望涕泗交。我之懷矣心傷勞。佳人遺我筥中布。何以贈

之流黃素。願因飄風超遠路。終然莫致增永慕。

其二

我所思兮在朔湄。欲往從之白雲霏。登崖遠望涕泗垂。我之懷矣心傷悲。佳人遺我雲中鴈。何以報之連城壁。願因歸鴻超遐翮。終然莫致增永積。

其三

我所思兮在隴原。欲往從之隔太山。登崖遠望涕泗連。我之懷矣心傷煩。佳人遺我雙角端。何以贈之雕玉環。願因行雲超重巒。終然莫致增永嘆。

其四

我所思兮在營州。欲往從之路阻修。登崖遠望涕泗流。我之懷矣心傷憂。佳人遺我綠綺琴。何以贈之雙南金。願因流波超重深。終然莫致增永吟。

歷九秋篇董桃行

二首

傳玄

綠綉領兮含輝。皎日迴光側微。朱華忽爾漸衰。影欲捨形高飛。誰言往恩可追。

其二

薺與麥兮夏零。蘭桂踐霜逾馨。祿命緣天難明。委
心結意丹青。何憂君心中傾。

車遥遥篇

車遥遥兮馬洋洋。追思君兮不可忘。君安游兮西
入秦。願爲影兮隨君身。君在陰兮影不見。君依光
兮妾所願。媚趣

燕人美兮歌

燕人美兮趙女佳。其室則邇兮限層崖。雲爲車兮
風爲馬。玉在山兮蘭在野。雲無期兮風有止。思心

多端兮誰能理

擬四愁詩

并序

張平子作四愁詩體小而俗七言類也聊
擬而作之名曰擬四愁詩

我所思兮在瀛洲。願爲雙鵠戲中流。牽牛織女期
在秋。山高水深路無由。慙余不遘嬰殷憂。佳人貽
我明月珠。何以要之比目魚。海廣無舟悵勞劬。寄
言飛龍天馬駒。風起雲披飛龍逝。波滔天兮馬不
儷。何爲多念心憂世。

其二

我所思兮在珠崖。願爲比翼游清池。剛柔合德配
二儀。形影一絕長別離。愍余不邁情如攜。佳人貽
我蘭蕙草。何以要之同心鳥。火熱水深憂盈抱。申
以琬琰夜光寶。卞和旣沒玉不察。存若流光忽電
滅。何爲多念獨鬱結。

其三

我所思兮在崑山。願爲鹿蛩窺虞淵。日月迴曜照
景天。參辰曠隔會無緣。愍余不邁罹百艱。佳人遺

我蘇合香何以要之。翠鴛鴦懸度弱水。川無梁申。
以錦衣文繡裳。三光騁邁景不留。鮮似民生忽若
浮。何爲多念祇自愁。趣

其四

我所思兮在朔方。願爲飛燕俱南翔。煥乎人道著
三光。胡越殊心生異鄉。愍余不遭罹百殃。佳人遺
我葆羽纓。何以要之影與形。永增憂結繁華零。申
以日月指明星。星辰有翳日月移。鴛鴦哀鳴慙不
馳。何爲多念心自虧。

燕歌行

陸機

四時代序逝不追。秋風習習落葉飛。蟋蟀在堂露
盈墀。念君遠遊常苦悲。君何緬然久不歸。賤妾悠
悠心無違。白日旣沒明燈輝。寒禽赴林匹鳥棲。雙
鳩關關宿河湄。憂來感物涕不晞。非君之念思爲
誰。別日何早會何遲。

白紵曲

劉鑠

三
遷遷徐動何盈盈。玉腕俱凝若雲行。佳人舉袖耀
清蛾。慘慘擢手映鮮羅。狀似明月沉雲河。體如輕
風動微波。
艷冶

代淮南王
二首

鮑照

淮南王好長生。服食鍊氣讀仙經。琉璃作枕牙作
盤。金鼎玉七合。神丹合神丹。戲紫房。紫房綵女弄
明璫。鸞歌鳳舞斷君腸。

其二

朱城九門門九閨。願逐明月入君懷。入君懷。結君
珮。怨君恨。君恃君愛。築城思堅劍。思利同盛同衰。
莫相棄。嬌痴

白紵歌 二首

朱唇動。素袖舉。洛陽少年邯鄲女。古稱綠水今白
紵。催絃急。管爲君舞。窮秋九月荷葉黃。北風驅雁
天。雨霜夜長。酒多樂未央。

其二

春風澹蕩俠思多。天色淨綠氣妍和。桃含紅萼蘭

紫芽朝日灼。爍發園葩。卷幌結幃。盈玉筵。齊謳秦
吹。盧女絃。千金顧笑。買芳年。趣

行路難

四首

中庭五株桃。一株先作花。陽春妖冶。二三月。從風
簸蕩。落西家。西家思婦。見悲惋。零淚沾衣。撫心歎。
初送我君出戶時。何意淹留節迴換。床席生塵。明
鏡垢。纖腰瘦削。蓬鬢亂。人生不得常稱意。惆悵徒
倚至夜半。

其二

剗。檠。染。黃。絲。黃。絲。歷。亂。不。可。治。昔。我。與。君。始。相。值。
爾。時。自。謂。可。君。意。結。帶。與。我。言。死。生。好。惡。不。相。置。
今。日。見。我。顏。色。衰。意。中。索。寞。與。先。異。還。君。金。釵。玳。
瑁。簪。不。忍。見。此。益。愁。思。真

其三

奉。君。金。卮。之。旨。酒。玳。瑁。玉。匣。之。雕。琴。七。彩。芙。蓉。之。
羽。帳。九。華。葡。萄。之。錦。衾。紅。顏。零。落。歲。將。暮。寒。光。宛。
轉。時。欲。沉。願。君。裁。悲。且。減。思。聽。我。抵。節。行。路。吟。不。
見。栢。梁。銅。雀。上。寧。聞。古。時。清。吹。音。曠達

其四

璿閨玉墀上椒閣。文窓繡戶垂羅幙。中有一人字
金蘭。被服纖羅採芳藿。春燕參差風散梅。開幃對
景弄春爵。含歌攬涕不能言。人生幾時得爲樂。寧
作野中之雙鳬。不願雲間之別鶴。

北風行

北風涼。雨雪雱。京洛女兒多妍粧。遙艷幃中自悲
傷。沉吟不語若爲忘。問君何行何當歸。苦使妾坐
自傷。悲慮年去。慮顏衰。情易復。恨難追。

楚明妃曲

湯惠休

瓊臺彩楹。桂窠雕甍。金閨流耀。玉牖含英。香芬幽
謁。珠彩珍榮。文羅秋翠。紈綺春輕。驂駕鸞鶴。往來
仙靈。含姿綿視。微笑相迎。結蘭枝。送目成。當年爲
君榮。艷麗

白紵歌

少年窈窕舞君前。容華艷艷將欲然。爲君嬌疑復
遷延。流目送笑不敢言。長袖拂面心自煎。願君流

光○及○盛○年○

秋風歌

秋風嫋嫋入曲房。羅帳含月思心傷。蟋蟀夜鳴斷
人腸。長夜思君心飛揚。他人相思君相忘。錦衾瑤
蓆爲誰芳。

歌思引

秋寒依依風過河。白露蕭蕭洞庭波。思君末光光
已滅。耿耿悲望如思何。

李夫人及貴人歌

陸厥

屬車桂席塵。豹尾香烟滅。彤殿向薜蘿。青蒲復萎
絕。坐萎絕。對薜蘿。燕臨丹階。泣椒塗。寡鶴羈雌飛。且
止。雕梁翠壁網蜘蛛。洞房明月夜。對此淚如珠。麗

行路難

釋寶月

君不見孤雁關外發。酸嘶度楊越。空城客子心腸
斷。幽閨思婦氣欲絕。凝霜夜下拂羅衣。好景浮雲中斷。
開明月夜夜。遙遙徒相思。年年望望情不歇。寄我

三才圖會 卷九 十五
匣中青銅鏡。倩人爲君除白髮。行路難。行路難。夜
聞南城漢使渡。使我流淚憶長安。

梁

河中之水歌

武帝

河中之水向東流。洛陽女兒名莫愁。莫愁十三能
織綺。十四採桑南陌頭。十五嫁爲盧家婦。十六生
兒字阿侯。盧家蘭室桂爲梁。中有鬱金蘇合香。頭
上金釵十二行。足下絲履五文章。珊瑚掛鏡爛生

光平頭奴子擎履箱人生富貴何所望恨不早嫁
東家王真

江南美

衆花雜色滿上林舒芳耀綠垂輕陰連手蹀躞舞
春心舞春心臨歲腹中人望獨踟躕

龍笛曲

美人綿耿在雲堂雕金鏤竹眠玉床婉愛寥亮繞
紅梁繞紅梁流月臺駐狂風鬱徘徊

採菱曲

王臺新詞 卷九
江南稚女珠腕繩。金翠搖首紅顏興。桂棹容與歌
採菱。歌採菱。心未怡。翳羅袖。望所思。

游女曲

氛氲蘭麝體芳滑。容色玉耀眉如月。珠珮嫋嫋戲
金闕。戲金闕。游紫庭。舞飛閣。歌長生。

朝雲曲

張樂陽臺歌上歇。如寢如興若晻曖。容光旣艷復
還沒。復還沒。望不來。巫山高。心徘徊。

白紵辭

朱絲玉柱羅象筵。飛瑄促節舞少年。短歌流目未
肯前。含笑一轉私自憐。媚

其二

纖腰嫋嫋不任衣。嬌態特立獨爲誰。赴曲君前未
忍歸。上聲急調中心飛。

江南曲

昭明太子

枝中水上春併歸。長楊掃地桃花飛。清風吹人光
照衣。光照衣。景將夕。擲黃金。留上客。

龍笛曲

金門玉堂臨水居。一嘖一笑千萬餘。游子去還願
莫踈。願莫踈。意何極。雙鴛鴦兩相憶。

採蓮曲

桂楫蘭橈浮碧水。江花玉面兩相似。蓮踈藕折香
風起。香風起。白日低。採蓮曲使君迷。
艷

烏棲曲

簡文帝

芙蓉作船。絲作絳。北斗橫天。月將落。採蓮渡頭。擬

黃河郎今欲渡畏風波。

其二

浮雲似帳月如鉤。那得夜夜南陌頭。宜城醞酒今
行熟。停鞍繫馬暫棲宿。

其三

青牛丹轂七香車。可憐今夜宿倡家。倡家高樹烏
欲棲。羅幃翠帳向君低。

其四

織成屏風金屈膝。朱脣玉面燈前出。相看氣息望。

三
君憐誰能含羞不自前。

從軍行

雲中停陣羽檄驚。甘泉烽火通夜明。貳師將軍新
築營。嫖姚校尉初出征。復有山西將。絕世受雄名。
三門應遁甲。五壘學神兵。白雲隨陣色。蒼山荅鼓
聲。逶迤觀鵝翼。參差觀雁行。先年少月陣。卻滅大
宛城。善馬還長樂。黃金付水衡。小婦趙人能鼓瑟。
侍婢初并解。鄭聲庭前桃花飛。已合必應紅妝起。
見迎。

和蕭侍中子顯春別

四首

別親葡萄帶實垂江南豆蔻生連枝無情無意猶
如此有心有恨徒自知

其二

蜘蛛作絲滿帳中芳草結葉當行路紅臉脉脉一
生啼黃鳥飛飛有時度故人雖故昔經新新人雖
新復應故

妙

其三

可憐淮水去來潮春堤楊柳覆河橋淚痕未燥詎

三臺新詠 卷九
終朝行聞玉珮已相邀。

其四

桃紅李白若朝粧。羞持顚悴比新楊。不惜暫徃君
前死。愁無西國更生香。

歷九秋篇

十首

歷九秋兮三春。遺貴客兮遠賓。顧多君心所親。乃
命妙妓才人。炳若日月星辰。

其二

序金壘兮玉觴。賓主遞起雁行。杯若飛電絕光交。

鵬接尾結裳慨慷歡笑萬方

其三

奏新詩兮夫君爛然虎變龍文渾如天地未分齊
謳楚舞紛紛歌聲上噉青雲

其四

窮八音兮異綸奇聲靡靡每新微笑素齒丹唇逸
響飄薄梁塵精爽耿耿入神

其五

坐咸醉兮沾歡引樽促席臨軒進爵獻壽翩翩千

秋要君一言願愛不移若山

其六

君恩愛兮不竭譬若朝日夕月此景萬里不絕長
保初醮結髮何憂坐生胡越

其七

携羽手兮金環上游飛閣雲間穆若鴛鴦雙鸞還
幸蘭房自安娛心極樂難原

其八

樂旣極兮多懷盛時忽逝若頽寒暑革御景廻春

榮隨風飄摧感物動心增哀

其九

妾受命兮孤虛男兒墮地稱姝女弱難存若無骨肉至親更踈奉事他人託軀

其十

君如影兮隨形賤妾如水浮萍明月不能常盈誰能無根保榮良時冉冉代征

春情

蝶黃花紫燕相追楊低柳合路塵飛已見垂鈎挂

綠樹誠知淇水沾。羅衣兩童夾車間。不已五馬城
南。猶未歸。鶯啼春欲駛。無爲空掩扉。

擬古

窺紅對鏡。歛雙眉。含愁拭淚。坐相思。念人一去許
多時。眼語笑。靨迎來情。心懷心想。甚分明。憶人不
忍語。含情獨吞聲。

倡樓怨節

朝日斜來照戶。春鳥爭飛出林。片光片影。景麗一
聲一囀。煎心上林。紛紛花落。淇水漠漠。苔浮年馳。

節流易盡。何爲忍憶含羞。

東飛伯勞歌

二首

翻堦蛺蝶戀花情。容華飛燕相逢迎。誰家總角岐
路陰。裁紅點翠愁人心。天窓綺井暖徘徊。珠簾玉
匣明鏡臺。可憐年幾十三四。工歌巧舞入人意。白
日西落楊柳垂。含情弄態兩相知。

趣

其二

西飛迷雀東羈雉。倡樓秦女乍相值。誰家妖麗隣
中止。輕粧薄粉光間里。綢戶珠綴曲瓊鈎。芳茵翠

三
香。氣。流。少。年。年。幾。方。三。六。含。嬌。聚。態。傾。人。目。餘。
香。落。盡。坐。相。催。可。憐。絕。世。誰。爲。媒。

春別應令
四首

元帝

昆明夜月光如練。上林朝花色如霰。花朝月夜動。
春心。誰忍相思不相見。
如

其二

試看機上蛟龍錦。還瞻庭裏合歡枝。映日通風隱。
朱幃。飄花搖葉度金池。不聞離人當重合。唯悲合。

罷會成離

其三

門前楊柳亂如絲、直置佳人不自持、適言新作裂、
紉詩誰悟今成織、素辭

其四

日暮徙倚渭橋西、正見流月與雲齊、若使月光無、
近遠應照離人今夜啼。

燕歌行

燕趙佳人本自多、遼東少婦學春歌、黃龍戍北花

如錦玄兔城前月似蛾。如何此時別夫婿。金羈翠
眊往交河。還聞入漠去燕營。怨妾心中百恨生。湯
湯悠悠天未曉。遥遥夜夜聽寒更。自從異縣同心
別。偏恨同時成異節。橫波滿臉萬行啼。翠眉漸斂
千重結。并海連天合不開。那堪春日上春臺。惟見
遠舟如落葉。復看遙舸似行杯。沙汀夜鶴笑羈雌。
妾心無趣坐傷離。翻嗟漢使音塵斷。空傷賤妾燕
南陲。

烏棲曲 四首

沙棠作船。桂爲楫。夜渡江南。採蓮葉。復值西施。新浣沙。共泛江干。瞻月華。趣

其二

月華似璧。星如珮。流影燈明玉堂內。邯鄲九投朝始成。金卮銀枕共君傾。

其三

交龍成錦。闢鳳紋。芙蓉爲帶。石榴裙。日下城南兩相望。月沒參橫掩羅帳。趣

其四

五彩隋珠九華玉。蛺蝶爲歌明星曲。蘭房椒閣夜
方開。那知步步香風逐。

別詩 二首

別罷花枝不共板。別後書信不相關。欲覓行人寄
消息。衣帶潮水暝應還。

其二

三月桃花含面脂。五月新油好煎澤。莫復臨時不
寄人。漫道江中無估客。

登臺望秋月

沈約

望秋月。秋月光如練。照耀三爵臺。徘徊九華殿。九
華玳瑁梁。華棖與璧璫。以茲雕麗色。特照明月光。
凝華入黼帳。清輝懸洞房。先過飛燕戶。卻照班姬
床。桂宮裏裏落桂枝。早寒淒淒凝白露。上林晚葉
颯颯鳴。雁門早鴻離離度。湛秀質兮似規。委清光
兮如素。照愁軒之蓬影。映金堦之微步。居人臨此
笑以歌。別客對之傷。且暮經衰圃。映寒叢。凝清夜
帶秋風。隨庭雪。以比素。與池荷而共紅。臨玉堦之

皎皎含雪霽之濛濛。轡天衢而從度。轢長漢而飛
空。隱巖涯而半至。隔帷幌而纔通。散朱庭之奕奕。
入青瑣而玲瓏。閒階悲寡鵠。沙洲怨別鴻。昭姬泣
胡殿。明君思漢宮。余亦何爲者。淹留此山東。

會圃臨春風

臨春風。春風起春樹。游絲暖如網。落花雰似霧。先
泛天淵池。還過細柳枝。蝶逢飛。搖颺燕值羽。差池
揚桂旆。動芝蓋。開燕裾。吹趙帶。趙帶飛參差。燕裾
合且離。迴簪復轉黛。顧步惜容儀。容儀已炤灼。春

風復迴。薄氛氲。桃李花。青枝含素萼。旣爲風所開。
復爲風所落。搖綠帶。枕紫莖。舞春雪。雜流鶯。曲房
開。今金鋪響。金鋪響。今妾思驚。梧桐未陰。淇川始
碧。迎行雨於高唐。送歸鴻于碣石。經洞房。響紈素。
感幽閨。思帷幃。想芳園。今可以遊。念蘭翹。今漸堪
摘。拂明鏡之冬塵。解羅衣之秋襞。旣鏗鏘以動珮。
又細縵而流麝。始搖蕩以入閨。終徘徊而緣隙。鳴
珠簾於綉戶。散芳塵於綺席。是時悵思婦。安能久
行役。佳人不在茲。春風與誰惜。

歲暮愍衰草

愍衰草。衰草無容色。憔悴荒逕中。寒萎不可識。昔時兮春日。昔日兮春風。含華兮佩實。垂綠兮散紅。氛氲鳩鵲右。照耀望仙東。送歸顧慕泣淇水。嘉客淹留懷上官。巖陬兮海听。冰多兮霧散。爛煬兮巖根。攢幽兮石隙。布綿密於寒臯。吐纖疎于危石。旣惆悵於君子。倍傷心於行役。露高枝于初旦。霜江天於始夕。彫芳卉之九衢。寶靈茅之三春。風急嶺路難。秋至客衣單。旣傷簷下菊。復悲池上蘭。飄落

逐風轉。方知歲早寒。流螢暗明燭。雁聲斷纔續。委
絕長信宮。蕪穢丹墀曲。霜奪莖上紫。風銷葉中綠。
山巒兮水圍。青薇兮黃葦。秋雁嘹兮疎引。寒鳥聚
兮輕飛。逕荒寒草合。桐長舊巖圍。夜漸靡蕪沒。霜
露日沾衣。願逐晨征鳥。薄暮共西歸。

霜來悲落桐

悲落桐。落桐早霜露。燕至葉未抽。鴻來枝已素。未
出龍門山。長枝仰刺天。上峰百丈絕。下趾萬尋懸。
幽根已蟠結。孤株復危絕。初不照光景。終年負霜

雪自顧無羽儀。不願生曲池。芬芳本自乏。華實無
可施。匠者時留盼。王孫少見知。自分孤生枿。徒置
北堂墜。宿莖抽晚榦。新葉生故枝。故枝雖遼遠。新
葉頗離離。春風一朝至。榮華坐如斯。自惟良菲薄。
君恩徒照灼。顧已非嘉樹。空用憑阿閣。願作清廟
琴。爲君舞玄鶴。薜荔可爲裳。文杏堪作梁。勿言草
木賤。徒照君末光。末光不徒照。爲君含噉咷。陽阿
綠水絃。陰枝苦寒調。厚德非所任。敢不虛其心。若
逢陽春至。吐綠照清潯。

夕行聞夜鶴

聞夜鶴。夜鶴叫南池。對此孤明月。臨風振羽儀。伊
吾人之菲薄。無賦命之天爵。抱跼促而長懷。隨冬
春而哀樂。愍海上之驚鳬。傷雲間之離鶴。離鶴昔
未離。迥發天北垂。忽值疾風起。暫下昆明池。復值
冬水合。水宿非所宜。欲留不可住。欲去飛已疲。勢
逐疾風舉。求溫向衡楚。復值南飛鴻。參差共成侶。
海上多雲霧。蒼茫先洲嶼。自此別故羣。獨向瀟湘
渚。故羣不離散。相依蒼海畔。夜止羽相切。晝飛影

王臺新詠
卷九
相亂。刷羽其浮沉。湛澹泛清潄。旣不經離別。安知
慕侶心。九冬霜雪苦。六翮飛不任。且養凌雲翅。俛
仰弄清音。所望浮丘子。旦夕來見尋。

晨征聽曉鴻

聽曉鴻。曉鴻度將旦。跨弱水之微瀾。發成山之遠
岸。怵春歸之未幾。驚此歲之云半。出海漲之蒼茫。
入雲途之瀟灑。無東西之可辨。孰遐邇之能筭。微
昔見於洲渚。赴秋期于江漢。集勁風於弱軀。負重
雪于輕翰。寒溪可以飲。荒臯可以竄。溪水徒自清。

微形豈足翫。秋蓬飛兮未絕。塞草衰兮無色。吳山
高兮杳難度。越水深兮不可測。羨明月之馳光。顧
征禽之騁翼。伊余馬之屢懷。知君行之未極。夜綿
綿而難曉。愁參差而盈臆。望山川。悉無似。惟星河
猶可識。孤雁夜南飛。客淚夜沾衣。春鴻思暮反。客
子方未歸。歲去歡娛盡。年來容貌非。攬衽形雖是。
撫臆事多違。青蒲雖長復易解。白雲誠遠詎難依。

解珮去朝市

去朝市。朝市深歸暮。辭北纓而南征。浮東川而西

顧逢天地之降祥。值日月之重光。伊當仁之菲薄。
非余情之信芳。充待詔於金馬。眷齊宴於柏梁。觀
闕雞於虎圈。望窅窅於披香。游西園兮登銅雀。舉
青璫兮眺重陽。講金華兮議宣室。晝武帷兮夕文
昌。佩甘泉兮屣五柞。簪粉楷兮紱冕光。託後車兮
侍華幄。游渤海兮泛青漳。天道有盈缺。寒暑遞炎
涼。一朝賣玉椀。眷眷惜餘香。曲池無復處。桂枝亦
銷亡。清廟徒肅肅。西陵久茫茫。薄暮余多幸。嘉運
重來昌。忝稽郡之南尉。典千里之光貴。別北芒于

濁河戀橫橋于清渭望前軒之早桐對南階之初
卉非余情之屢傷豈茲焉之能慰眷昔日兮懷哉
日將暮兮歸去來

富麗

披褐守山東

守山東山東萬里鬱青葱兩溪共一瀉水潔望如
空岸側青莎被巖間丹桂叢上瞻旣隱軫下睇亦
溟濛遠林響咆獸近樹聒鳴蛩路出若溪右泉吐
金華東萬仞倒危石百丈注懸淙瀑曳瀉流電奔
飛似白虹深洞含清氣漏穴吐飛風玉竇膏滴瀝

石室乳空籠峭崿。塗彌險巖岨。步纔通。余捨平生
之所愛。歛暮年而斯逢。願一去而不還。恨邦衣之
未褫。挹林壑之清曠。事氓俗之紛詭。幸帝德之方
升。值天綱之未毀。旣除舊而就新。故化民而俗徙。
播趙俗以南徂。扇齊風以東靡。乳雉方可馴。流煌
庶能弭。清心矯世濁。儉政救民侈。秩滿歸白雲。淹
留事芝髓。

春日白紵曲

蘭葉參差桃半紅。飛芳舞縠戲春風。翡翠羣飛飛

不息願在雲間長比翼

趣

秋日白紵曲

白露欲凝草色黃金瑄玉柱響洞房雙心一影俱
廻翔吐情寄君君莫忘

趙瑟曲

邯鄲奇弄出文梓。縈絃急調急流徵。玄鶴徘徊白
雲起。白雲起鬱披香。離復合曲未央。

秦箏曲

羅袖飄飄拂雕桐。促柱高張散輕宮。迎歌度舞遏

王臺新詠 卷九
歸風過歸風。止流月。壽萬春。歡無歇。

陽春曲

楊柳垂地。燕參差。緘情忍思。落容儀。絃傷曲。怨心
自。知。心。自。知。人。不。見。動。羅。裙。拂。珠。殿。
趣

晨風行

范靜妻沈氏

理檝令舟人。停鱸息旅。薄河津。念君劬勞。冒風塵。
臨路揮袂。淚沾巾。飈流勁潤。逝若飛。山高帆急。絕
音徽。留子句句。獨言歸。中心玆玆。將依誰。風彌葉

落永離索神往形返情錯漠。循帶易緩愁難卻。心
之憂矣頗銷鑠。

行路難
二首

吳均

君不見上林苑中客。冰羅霧縠象牙席。盡是得意
忘言者。探腸見膽無所惜。白酒甜鹽甘如乳。綠觴
皎鏡華如碧。少年持名不肯嘗。安知白駒應過隙。
博山爐中百和香。鬱金蘇合及都梁。逶迤好氣佳
容貌。經過青瑣歷紫房。已入中山陰后帳。復上皇

帝班姬床。班姬失寵。顏不開。奉箒供養長信臺。日
暮耿耿不能寐。秋風切切四面來。玉階行路生細
草。金爐香炭變成灰。得意失意須臾頃。非君方寸
逆所裁。

其二

洞庭水上一株桐。經霜觸浪困嚴風。昔時抽心耀
白日。今日卧死黃沙中。洛陽名工見咨嗟。一剪一
刻作琵琶。白璧規心學明月。珊瑚映面作風花。帝
王見賞不見忘。提携把握登建章。掩抑摧藏張女

彈殷勤促柱楚明光。年年月月對君王。遙遙夜夜
宿未央。未央綵女棄鳴篴。爭先拂拭生光儀。茱萸
錦衣玉作匣。安念昔日枯樹枝。不學衡山南嶺桂。
至今千載猶未知。

長相思 二首

張率

長相思。久離別。美人之遠如兩絕。獨延佇。心中結。
望雲雲去。遠望鳥鳥飛。滅空望。終若斯。珠淚不能
雪。

其二

長相思久別離。所思何在若天垂。鬱陶相望不得知。玉階月夕映羅帷。風夜吹長思。不能寐。坐望天河移。

白紵歌辭

五首

歌兒流唱聲欲清。舞女趁節體自輕。歌舞並妙會人情。依絃度曲婉盈盈。揚蛾爲態誰目成。

其二

竽聲屢唱輕體飛。流津染面散芳菲。舉動齊息不

相違令彼佳客。憺忘歸時。久翫夜明星稀。

其三

秋風蕭條。露垂葉空。閨光盡坐愁妾。獨向長安淚
承曉。山高水遠。路難涉。望君光景何時接。

其四

日暮。塞門望所思。風吹庭樹月入帷。涼陰旣滿草
垂悲。誰能離別長夜時。流嘆不寢。淚如絲。與君之
別終何如。

其五

愁來夜遲猶嘆息。撫枕思君終反仄。金翠釵環稍
不飾。霧縠流黃不能織。但坐空閨思何極。欲以短
書寄飛翼。

行路難

二首

費昶

君不見長安客舍門。倡家少女名桃根。貧窮夜紡
無燈燭。何言一朝奉至尊。至尊離宮百餘處。千門
萬戶不知曙。唯聞啞啞城上烏。玉欄金井牽轆轤。
丹梁翠柱飛流蘇。香薪桂火吹雕胡。當年翻覆無

常定薄命爲女何必寵。

其二

君不見人生百年如流電。心中次稟君不見。我昔
初入椒房時。詎減班姬與飛燕。朝踰金梯上鳳樓。
暮下瓊鉤息鸞殿。栢臺晝夜香錦帳。自飛楊笙歌
棗下曲。琵琶陌上桑。過蒙恩所賜。餘光曲沾被。旣
逢陰后不自專。復遇班姬有所避。黃河千年始一
清。微軀再逢永無議。蛾眉偃月徒自妍。傳粉施朱
欲誰爲。不如天淵水中鳥。雙去雙歸長比翅。

春別

四首

蕭子顯

翻鶯度燕雙比翼。楊柳千條共一色。但看陌上携手歸。誰能對此空相憶。

其二

江東大道日華春。垂楊掛柳掃輕塵。淇水昨送淚沾巾。紅粧宿昔已應新。

其三

銜悲攬涕別心知。桃花李花任風吹。本知人心不

似樹何意人別似花離。

其四

幽宮積草自芳菲。黃鳥芳樹情相依。爭風競日常
聞響。重花疊葉不通飛。當知此時動妾思。慙使羅
袂拂君衣。

烏棲曲

二首

握中清酒瑪瑙鐘。裾邊雜珮琥珀紅。欲持寄君心
不惜。共指三星今何夕。

其二

三學新刊

卷九

三

風光遲舞出青蘋。蘭苕翠鳥鳴發春。洛陽梨花落
如雪。河邊細柳組如茵。桐生井底葉交枝。今看無
端雙燕離。五車飛樓入雲漢。九華閣道暗清池。遙

看白馬津上吏。傳道黃龍征戍兒。明月金光徒照
妾。浮雲玉葉君不知。思君昔去柳依依。至今八月
避暑歸。明珠蠶繭勉登機。鬱金香蘂持香衣。洛陽
城頭雞欲曙。丞相府中烏未飛。夜夢征入縫狐貉。
私憐織婦裁錦緋。吳刀鄭綿絡。寒閨夜披薄。芳年
海上水中鳬。日暮寒夜空城雀。

行路難

王筠

千門皆閉夜何央。百憂俱集斷人腸。探揣箱中取

三
卷九
三七
刀尺拂拭機上斷流黃。情人逐情雖可恨。復畏邊
遠乏衣裳。已繰一蠶摧衣縷。復擣百和薰衣香。猶
憶去時腰大小。不知今日身短長。襖襠雙心共一
袪。袖復兩邊作八襖。襷帶雖安不忍縫。開孔裁穿
猶未達。胸前卻月兩相連。本照君心不照天。願君
分明得此意。勿復流蕩不如先。含悲含怨判不死。
封情忍思待明年。真

代人詠見故姬

劉孝綽

留故夫不踟躕。別待春山上相看採靡蕪。

東飛伯勞歌

劉孝威

雙棲翡翠兩鴛鴦。巫雲洛月乍相望。誰家妖冶折
花枝。蛾眉謗睇使情移。青鋪綠璫琉璃屏。瓊筵玉
筍金縷衣。美人年幾可十餘。含羞騁笑歛風裾。珠
丸出彈不可追。空留可憐持與誰。趣

別義陽郡

二首

徐君倩

翔鳳樓。遙望與雲浮。歌聲臨樹出。舞影入江流。葉
落看村近。天高應向秋。

其二

飾面亭粧成。更點星。頰上紅疑淺。眉心黛不青。故
留殘粉絮。掛看箔簾釘。

贈夫

王叔英妻

粧鉛點黛拂輕紅。鳴環動珮出房櫳。看梅復看柳。
淚滿春衫中。
趣

北周

燕歌行

庾信

岱北雲氣晝夜昏。千里飛蓬無復根。寒雁噦噦渡
遼水。桑葉紛紛落薊門。晉陽山頭無箭竹。踈勒城
中乏水源。屬國征戍久離居。陽關音信絕復踈。願
得魯連飛一箭。持寄思歸燕將書。渡遼本自有將
軍。寒風蕭蕭生水紋。妾驚甘泉足烽火。君訝漁陽
少陣雲。自從將軍出細柳。蕩子空床難獨守。盤龍

明鏡餉秦嘉。辟惡生香寄韓壽。春分燕來能几日。
二月蠶眠不能食。洛陽游絲百丈連。黃河春冰千
片穿。桃花顏色好如馬榆莢。新開巧似錢。葡萄一
杯千日醉。無事九轉學神仙。定取金丹作幾服。能
令華表得千年。

烏夜啼

促柱繁絃非子夜。歌聲舞態異前溪。御史府中何
處宿。洛陽城頭那得棲。彈琴蜀郡卓家女。織錦秦
川竇氏妻。詎不自驚長淚落。到頭啼烏怕夜啼。

怨詩

家住金陵縣前。嫁得長安少年。回頭望鄉淚落。不知何處天邊。胡塵幾日應盡。漢月何時更圓。爲君能歌此曲。不覺心隨斷絃。趣

舞媚娘

朝來戶前照鏡。含笑盈盈自看。眉心濃黛直點額。角輕黃細安。祇疑落花謔去。復道春風不還。少年惟有歡樂。飲酒那得留錢。

陳

鳥棲曲

徐陵

繡帳羅幃隱燈燭。一夜千年猶不足。惟憎無賴汝
南雞。天河未落猶爭啼。趣

雜曲

傾城得意已無儔。洞房連閣未消愁。宮中本造鴛
鴦殿。爲誰新起鳳凰樓。綠黛紅顏兩相發。千嬌百
念情無歇。舞衫迴袖勝春風。歌扇當窓似秋月。碧
王宮妓自翩妍。絳樹新聲最可憐。張星舊在天河

上從來張姓本連天。二八年時不憂度。旁邊得寵
誰相妬。立春曆日自當新。正月春幡底。湏故流蘇
錦帳挂香囊。織成羅幌隱燈光。只應私將琥珀枕。
瞑瞑來上珊瑚床。艷

玉臺新詠卷之九 終







